

## **Panis Evangelici Fragmenta Qvadragesimalia Tripartita**

Ex sanctissimo Dei Verbo copiosé & sedulo collecta, Sanctorum Patrum,  
variorumque Auctorum sententiis & conceptibus mirificè aucta; Et  
Omnibus Quidem Anni Dominicis; præcipuè tamen singulis Quadragesimæ  
Dominicis & Feriis per binas ad minus, sæpius denas aut septenas  
Conciones fidi Populo ...

**Lingendes, Claude de  
Coloniae Agrippinae, 1689**

XCVI. II. Regiam dignitatem in Christo considerat, ut sua munera  
occultantem, & totam in amore, quamvis in speciem ejus gubernatio sit  
severissima

---

---

**Nutzungsbedingungen**

[urn:nbn:de:hbz:466:1-56368](http://urn:nbn:de:hbz:466:1-56368)

quotus quisque est ita animo generosus, qui pati amet & desideret? Quod autem diximus id etiam non satis esse, sed in tribulationibus, & in adversis esse gloriandum, id ferè omnibus videtur incredibile, & paradoxum. Sed nimis aliter palea, aliter aurum tractatur ab igne; in quò palea comburitur, cum in igne aurum purgetur, & rutilat. Hinc qualis sis,

agnosce. Et qui sunt aurum, discant gloriam in Cíuce Domini nostri Iesu Christi. Veniet tempus cum ipsa Crux mutetur in gloriam. Quanquam & ipsa gloria est & certans, & triumphans; certans in hac vita, & triumphantis in altera, ad quam nos perducat Dominus noster Iesus Christus. Amen.

## DOMINICA PALMARVM CONCIO SECUNDA. REGIA DIGNITAS IN CHRISTO CONSIDERATVR. Quomodo ejus munera occultarit, & tota sit in amore.

*Dicite filiæ Sion, Ecce Rex tuus venit tibi mansuetus.*

Matth. 21.

**D**ISSIMILIS est in speciem curru gloriae Dei visus ab Ezechiele Prophetâ, à Christi Domini ingressu in Ierusalem: nimirum primus est gloriae, alter humilitatis. Verum in utroque visuntur animalia, & in illis mita significatio: nec Christus minor est in ingressu humilitatis, quam in ingressu gloriae. Nam quia Dei Majestas nullius gloriae accessione fit major, neque accrescit; idecirco oportuit ut cresceret humilitate, ut quondam dictum est à Panegyrystâ, Imperatori, quod crescere non posset nisi solâ dimissione fastigii. Ut hoc videamus in Christo ad profectum nostrum, ad eam recurramus quæ nemo melius novit quæ ad eum pertinent, ut potè quæ sit ejus Matet. AVE MÁRIA.

**I**N TERRÆ cetera quæ in sacris Scripturis admirabilia sunt, unum est quod multa loca videntur in speciem contraria, quæ tamen inter se maximè concordant, unde opus est intelligentiæ, secundum illud, *Qui legit, intelli-*

*gat, & est industria interpretis ostendere convenientiam.* Porro id præcipue apparet in veteri & novo Testamento, de quibus dicitur Christus, *Omnis Scriba doctus in regno co- orum similis est Patri familiæ qui profert de thesauro suo nova, & vetera.* Quanta autem sit utriusque concordia passim docent Sancti Patres, unde variae apud eos utriusque Testamenti comparationes, quibus eorum conformitas ostenditur. *Sanctus Gregorius lib. 1. in Ezechiel. homil. 6. exponens currum gloriae Dei, arque inter cetera illud quod dicitur, unam fuisse similitudinem, unum aspectum, & unum opus quatuor rotarum, subdit:*

*Vna similitudo ipsarum est quatuor, quia quod prædicat Lex, hoc etiam Prophetæ, hoc exhibet Evangelium; quod exhibuit Evangelium, hoc prædicaverunt Apostoli per mundum: Vna ergo est similitudo ipsarum quatuor, quia divina eloquia eti temporibus distincta, sunt tamen sensibus unita.*

*2. Pergie*

2. Pergit in expositione Prophetæ. Et aſſeſſearum & opera quaſi ſit rota in medio rota: Ro-  
ta intra rotam, eſt Testamentum novum intra  
Testamentum vetus, quia quod deſignavit  
Testamentum vetus, hoc Testamentum no-  
vum exhibuit, & quod illud occulte annun-  
ciat, hoc illud exhibut, aperte clamat:  
Prophetia Testamenti novi, Testamentum  
vetus eſt, & expoſitio Testamenti veteris,  
Testamentum novum.

3. Ibidem docet idem exprimi per duo  
Cherubin ſete mutuò rēſpiciēntia. Quid eſt  
quod ſe mutuò rēſpiciunt verſis vultibus, in  
proprietorūm, niſi quod utraque Testamen-  
ta, ita ſibi in Mediatorem Dei & hominū  
concordant, ut quod unum deſignat, hoc al-  
terum exhortat? Quid enim per Propriatio-  
rum niſi ipſe Redemptor humani generis de-  
ſignatur? de quo per Paulum dicitur; quem  
propositus Deus propitiatiōnem per fidem in ſanguine  
Ihesu. Quid vero per duo Cherubin, quæ ple-  
nitudo scientiæ dicuntur, niſi utraque Testa-  
menta, ſignificata ſunt, &c. Duo ergo Che-  
rubi in ſe mutuò rēſpiciunt verſis vultibus in  
Proprietorūm, quia utraque Testamenta in  
nullo a ſe diſcrepan, & quaſi ad ſemel ipsa vi-  
cissim facies tenent: quia quod unum promi-  
tit, hoc aliud exhibet, duin inter ſe poſitūm  
Mediatorē Dei & hominū vident.

4. Idem Sanctus Gregorius lib. 19. in Job  
exponens illa verba: *Arcus meus in manu meā  
inſtaurabitur*. Intelligit de prædicatione, ſecun-  
dam illud Isaiae 7. Cum sagittis & arcu ingredi-  
entur illuc: Quid igitur hoc in loco arcus no-  
mine niſi ſacrum eloquium debet intelligi: In  
chorda enim Testamentum novum: In cornu  
vero Testamentum vetus accipitur: In arcu  
autem dum chorda trahitur, cornua curvatur;  
ſic in hoc eodem ſacro eloquio dum Testa-  
mentum novum legitur, duritia Testa-  
menti veteris emollitur: ad eias namque ſpi-  
ritalia & blanda præcepta, illius literæ rigor  
inclinat, &c. Nec inde center dicimus chor-

dam Testamento novo congruere, quod de  
Incarnatione Dominica certum eſt extiſſe.  
Quaſi ergo chorda trahitur, & cornua curvā-  
tur; quia dum in Testamento novo Incarnatio  
Mediatoris agnoscitur, ad ſpirituale intelligen-  
tiā rigor Testamenti veteris inclinatur

5. Gregor. Nazian. docet vetus Testamen-  
tum eſſe primam picturæ delineationem, no-  
vum autem eſſe perfectionem operis, & vivi-  
dorum colorum additionem. Nemo autem  
dicat pictorem, cum tabulam abſolvit, pri-  
ori delere, ſed perficere. Nemo etiam dicat  
duplicem eſſe tabellam, ſed unam quidem  
prius imperficiam, ſed poſte absolutam.

Atque inter cætera loca, occurrit 1. locus  
hodierni Evangelii, ubi deſcribitur Regnum  
Christi Domini in mansuetudine. *Ecce Rex  
tuus venit tibi mansuetus ſedens ſuper asinam, &  
pulum filium ſabjugalis* Et 2. occurrit locus  
ſumptus ex Psal. 2. ubi agitatur de eodem Chri-  
ſti Regno, ſed exprimitur ſub ſumma duritia  
& rigorē: *Reges eos in virga ferrea, & tanquam vas  
figuli confringere eos;* quod etiam ſepiuſ repeti-  
tur in Apocalypſi. Porro qua maiori in ſpecie  
videtur contra ietas, quam ut Christi Regnum  
nunc dicatur futurum in mansuetudine; unde  
ſecuritas imperatur: *Dicite filia Sion, Noli time-  
re, Ecce Rex tuus venit tibi mansuetus:* nunc dicatur  
futurum aspergium in virga ferrea, id-  
que ad homines confringendos, tanquam vas  
ſtigile, & teſtaceum: nihilominus tamen mi-  
tra intelligenti apparebit loci utriuſque con-  
cordia, ad quam oſtendendam triplicem af-  
ſerto propositionem.

I. eſt. Vtrumque locū intelligi dedignitate  
Regia Filij Dei, & de titulo Meliæ. Ut enim a  
loco Evangelii & prophetia Zachar. cap. 9.  
initium ducā: Non eſt dubiu in hodierno tri-  
umphali ingressu contineri manifestatiōne illi-  
ius dignitatis, & qualitatis augustæ, unde Rex  
a populo acclamatur, & ſalutatur, eique fit  
solemnis apprecatio, *Hosanna Filio David,* qua  
nempe ſubditu ab eo ſalutem depoſunt, tan-  
quam

quam à vero Liberatore, & à Rege suo, hærede regni & sceptri Davidici. Manifestatur autem non regio apparatu, non manificètiā, sed potestate regiā: hæc enim exteriora non sunt signa nisi terreni dominatus, nō autem veri Messiae, cuius insignia sunt virtutes; atq; illæ quidem non illustres, & quæ magis oculos feriant, sed depressores, ut mansuetudo & paupertas, unde in ipso triumpho, & summo apparatu, has qualitates conservat. Itaque non sedet in equo, sed asino; non est armis circumdatus, sed ramis; non milites, non centuriones circumstant, sed Apostoli, sed plebs, rustici, & pueri: ad hæc signum habet infallibile, ipsum humilitatis apparatum, juxta Prophetæ vaticinium: *Eccē Rex tuus veniet &c.* ipse pauper & ascendens super asinam, &c. Zach. 9. quā notā convincuntur Iudei erroris, quod expectant nescio quem Messiam gloriosum, cum Propheta disserē notet, Christi regnum hāc notā humilitatis, quæ nulli haec tenus convenient. Vnde sapientissimè Prosper in libro quem inscriptis, In medio. &c. cap. 12, probat hinc convincendum Antichristum, quod non sit Christus: Quia in superbia veniet, cum omnis de Christo prophetia resonet, quod eius adventus erit in humilitate: Et in Isaïā legitur: *Iudicium eius in humilitate sublatum est, generationem autem eius quis enarrabit?* Nam ducetur sicut ovis ad victimam, id est, ad passionem & mortem; uti Evangelistæ testantur eum ductum fuisse, & promiserant Prophetæ: & alia sexcenta, quæ ibidem fuse persequitur. Cum itaque hæc nota & aliæ quæ in Prophetis leguntur in Christo fuerint completae, argumentum est infallibile illum esse verum Messiam: etenim prophetiarum eventus sub calumniam cadere non potest, Cæterum ut scias Regem non fieri populi favore, aut institutione, sed ex natura sua talēm esse, propterea ei sic

acclamatur, *Hosanna Filio David,* ut cum audies filium esse Davidis, intelligas exegere suo atque stirpe sua Regem esse: unde de eo Apocal. 19. Et habet in vestimento, & insigne suo scriptum, *Rex Regum, & Dominus Dominarum:* fecit autem agnoscit Scriptura locum generationis, & stirpem, ut scias Regem esse natura: Itaque nomen Regis, & Messiae, seu Christi, non est ei unī cæteris Regibus appellativum; sed proprium nomen: quoniam in cæteris, regia dignitas adiungitur naturæ; sed in nostro Rege, ea naturalis est, & essentialis: & hac ratione illum Canticorum intelligo, oleum effusum nomen tuum quasi dicere, nomen Christi, nomen Messiae, seu vncti, nomen tuum est, quoniam unctio fit oleo effuso: ut enim scias aliter unctum fuisse, quām alios Reges sic eum David alloquitur in Epithalamio, *dilexisti justitiam, & odisti iniquitatem: propterea unxit te Deus Deus tuus oleo letitia pro consortibus tuis;* quod S. Paulus interpretatur de divinitate, & unione illa mirabili cum Verbo, per quam substantialiter unctus est divinitate, & singulari modo constitutus Rex à Patre, qua ratione nullus alias; unde dicitur plus unctus quām cæteri, qui tantum divinitatis ipsius, & regiæ dignitatis participes sunt effecti: nam uti dicitur *omnes de plenitate eius accepimus,* de quo dictum est, *In ipso inhabitat omnis plenitudo Divinitatis corporaliter.*

Iam alterum locum Psalmi secundi, agere de eadem Regia dignitate Sole clarius est: nam & mentio fit subditorum, & finium imperij: *postula à me, & dabo tibi gentes barbarem tuam, & possessionem tuam terminos terræ;* fit etiam mentio Sceptri, & modi quo gubernabit, *Reges eos in virga ferrea, & tanquam vas sigilli confringes eos:* quod S. Ioannes repetit in Apocal. cap. 2. *Dabo illi potestatem super gentes, & reget eas in virga ferrea, & tanquam*

& reget eas in virga ferrea, & tanquam vas figuli confinget eas: & cap. 12. Mulier peperit filium masculum, qui recturus erat omnes gentes in virga ferrea. & cap. 19. Et ipse reget gentes in virga ferrea. Virgam pro Sceptro accipi, nulli est dubium, præterim cum vox, Reget, ipsum dominatum significet. Quod autem hoc Sceptrum dicat non aureum, ut Assueri, sed ferreum, id sit ut significantur omnes qualitates, & virtutes necessariae ad perfectum regimen, quæ omnes in Christo eminentissime eluent, teste Davide Psal. 44. Virga directionis, aut ut veritatem Paulus Hebr. Virga æquitatis, virga regni sui: id est enim: Sceptrum tuum tuum, mi Saluator, virga est directionis, imperii & regiminis, quia in illo gestas insignia virtutum omnium, conditionumque opriandarum in principe qui digne vult munere suo perfungi.

Nihil est dubium, quin finis Regiae dignitatis & gubernationis sit bonum felicitatisque subditorum. Atque hæc est differentia inter dignitatem regiam & tyrannidem, quod tyrannus nihil nisi commoda sua spectat, nullâ ratione subditorum habitâ, contrâ verò Regia dignitas coniunctè suum subdorumq; bonum attendit. Pariter certum est subditos nihil amplius à bono regimine Principis expetere posse quam æquitatem & Liberalitatem; Iustitiam & Beneficentiam, quæ duo sunt semper conjuncta in S. Scripturâ sub nominibus Misericordia & Veritatis, vel Pacis & Iustitiae, quas fateretur Propheta sibi occurrisse invicem in Filio Dei. Misericordia & veritas obviaverunt sibi, iustitia & pax osculata sunt. Sed quia nihil efficeretur, si Princeps solam haberet voluntatem sine facultate scientiaq; benè metendi, oportet insuper Potestatem habeat animatam magnitudinem animi, & conformem voluntati suæ; habeatq; Sapientiam qua moderetur potestatē, & voluntatem quam inest ipsi erga subditos Ita ut ad perficiendum Principem in gubernationis munere, in eo consociandas sint

Tom. III.

quatuor virtutes, Sapientia, Potestas, Iustitia & Liberalitas. Et hæc quatuor sunt doles quas Propheta Iaías agnovit in Messia cap. 9. Parvulus natus est nobis, & Filius datus est nobis, & factus est principatus super humerum eius, & vocabitur nomen eius admirabilis, consiliarius, Deus fortis, Pater futuri scalpi, Princeps pacis, &c. Super solium David, &c. sedebit, ut confirmet illud & corroboret in iudicio & iustitia amodo & usque in sempiternum. O felix gubernatio Salvatoris nostri Iesu Christi, ubi is qui dominatur, ad eum emitte sapientia ut eius consilia admirabilia sint! Quicquid agit, subditorum bona respicit, reteque id demonstrat consiliarij munere defungens. At prodigiosa suar. ipsius inventa in excogitandis rationibus tam aptis ad consilia sua destinatum ad finem provehenda, exhibendosque subditis suis suaves iustitiae ac beneficentiae suæ fructus. Quæ autem maior quam Dei Potestas? Deus fortis: vocabulum Dei apud Hebreos gigantem significat ad indicandum, omnes creaturarū vires à Dei labore superari. Ipsius Liberalitas & Beneficentia exprimi nequeunt suavioribus verbis quam dicatur esse, Pater futuri scalpi id est Christiani: Princeps pacis, futurus tam magnificus in donis, ut Pater loco esset Christianis omnibus bonisque eos cumularet; ad pacem, quæ totius felicitatis est cumulus, gubernationē omnem suam dirigens. Verum iustitia non poterat commendari melius quam dicendo, Super solium David sedebit ut confirmet illud & corroboret in iudicio, & iustitia amodo & usque in sempiternum. Quatuor porro conditions illas scilicet representatas fuisse in Sceptro ferreo Filii Dei, facile demonstrari potest, i. Vis & potestas eluent mirificè in ferro, sicut docent S. Hieronymus & S. Gregorius, qui quidem in ferro agnoscunt vim Prædicationis Evangelij. S. Hieronymus in caput 4. Michææ, ex licans cornu ferreum Ecclesiæ, ait illius esse Potestatē. Sed nihil est magis convinces quam quod

Ec

apud

apud Danielem dicitur cap. 2. Vbi potestas Romani Imperij ostenditur parte ferrea statuae: quomodo, inquit, ferrum communis & domat omnia, sic communuet & conteret omnia hec. Idem dico de Beneficentiâ: nam inter omnia metalla nullum est utilius ferro, sine quo artes universæ ferre inutiles forent, nihilque prodeßent. His adde, nos ex eo intelligere Regem nostrum magnificum & amantem, non sibi fecisse Sceptrum aureum ex subditorum suorum spoljis, ut plerumque Reges terræ faciunt, at contrâ ut nos ditarer, seipsum pauperem effecisse. Licet de Iustitia & æquitate conticecerem, nemo est qui videat eam emine, & singulariter in Sceptro ferreo, quod inflecti non potest, Virga aequitatis, virga regni sui. Nil nobis superest præter Sapientiam, quæ procul dubio elucet in operis artificio & formâ. Cùm enim materia si sola spectatur, vilis sit, exiguae pretii, sitque nihilominus Sceptrum Regis Regū, opurret illud ab sapientia industriaque opificis, raroque artificio suo redditum esse admodum commendabile, ac dignum eius manu à quo gestatur, qui non est alius nisi Messias. II. Propositio. In duabus illis locis, ita suam occultavit rationem agendi, ut conditionem muneris sui dissimularit sub rerum planè contrariatum specie. Nam si Historiam Evangelicam spectemus, cum agatur de manifestatione ipsius Regis dignitatis, quid minus regium quam illud. Ecce Rex tuus renit tibi mansuetus, sedens super asinā, &c. Quam enim hoc alienum à Regum omnium consuetudine, & usu? Nam quid memorem triumphos multorum principum, quid aureos currus, quid equorum quadrigas, quid captivos, quid equos albos, quid Leones, quid Elephantos, quid Cervos, quid animalia peregrina, quid fatigatos hominum humeros, quid umbellas, quid leæticas, quid munera, quid congiaria, quid purpuram, quid autum, quidebur, quid gemma? Unus Salomon cum per urbem incederet, quanta pom-

pa id faciebat? Ferculum fecit sibi Rex Salomon de lignis Libani: columnas eius fecit argenteas, redinatores aureos, ascensus purpureos; media, charitate, hoc est rebus charissimis, & pretiosissimis, stravit, propter filias Ierusalem. Sed hodie his omnibus omisis, unus a sinistra, & pulli fit mentione. Verum dum Christus in speciem visus est regiam suam dignitatem occulat, hac unate maximè ostendit. Nam ut omittam hunc omnem mundanum ornatum infirmatissen, non roboris, & solum conferre ad ignaros obstupefaciendos, cum homines sapientes res bus illis non commoveantur: quid enim sunt tot satellites Regum, quam turba, tumultus, & impedimentum; quid ille externus apparatus, quam personata gloria, & theatralis majestas: hoc ideo fecit, ut se singulariter illa regem ostenderet, qui per tota lœacula promissus fuisset. Enimvero si alio venisset apparatu, dubitari potuisset, an esset iste promissus, cum multi ante eum fuissent eadem pompa ingressi: sed cum eum habitum sumpsit haecenus à nullo unquam rege, omnibus ratiōnibus usurpatum, eas sumpsit notas imperii sui, quas nemo potuit ignorare, nemo diffidulare, cum longè ante fuissent à Prophetis notatae: hæc enim est Prophetia Zacharia. Ecce Rex tuus venit tibi justus & salvator: ipse pauper & ascendens super asinam, &c.

Quod si locum Psalmi attendimus: In illa virga ferrea quæ dicitur Sceptrum eius, Astero lignificati modum ipsius gubernandi ipsius unius proprium, qui consistit in arcano conilio suorum propterea mirabilium, quæ divino plane invento homines celat, dissimilans egregium providentiam suæ ordinem, occultando res tam eximias sub vilibus formis, resque involuendo in suo cuiusque contrario, ut eas mundanæ sapientiae oculis subtrahat. Minimum pretio inter metalla ferrum est; voluit tamen in Sceptrum virgulam ferream assumere, auream Regis Assueri contemnens quamvis

quamvis sceptrum florentissimi omnium quæ possint existere, splendidissimique regni gereret: sed dissimulare voluit regiæ dignitatis suæ magnitudinem sub vili specie Sceptri pauperis arque despecti. Nam ut ad singulâria descendam: Quid maius redemptio Mundi, profligatione Idololatriæ, Imperiorum mutatione ac eversione, depopulatione inferorum, peccati exitio, mortis ipsius interitu, & adeptione regni cœlestis, tum sibi, tum suis lucrandi? Ingenia tamen illa facinora edita sunt tam paupera, parata, ac tanta dissimulatione ut ea nō potuerit mundi sapientia discere paucoru[m] dieru[m] infans, ortus parentibus genit[us], in stabulo editus, jacentis in præsepio, in ærumnis, in miseriis, in paupertate: vita sine honore ac splendore transacta, in obscuritate & officina fæbri ligarii: mors horribilis & cruciatus ignominiosque affluens, ultra id quod unquam toleratum est: Ecce redemptio orbis, vastatio inferorum, ruina peccati & cœlorum adeptio. Inopes duodecim homines sine doctrinaliteratum, sine eloquentia, sine autoritate, sine viribus & præsidis, nihil habentes in ore quam hominem crucifixum, prædicantes egrediatem, contemptum divitiarum, odium voluptatum, & afflictionum amorem; Ecce profligatio Idololatriæ, & mundi labefactatio. Pusillus infans honoris expers, sine comitatu, sine asseclis, tenuis gleba devoluta ex monte, exiguis lapis direptus ex ingenti iupe, absque vi & industria hominum, incutitur grandi statuæ, eam disiicit, humi affigit, in puluerem redigit: Intumescit, deinde augescitque ad crassitudinem montis: Ecce subversio Imperii. Quid dicam, quô pacto robat suum dissimulavit sub imbecillitatis specie? Ipse, ac sui suæ pauperes, sine autoritate in mundo: Se inimici ab ipso ultisunt, & superiores fuere: Invalere in eum, nec ullus eos avertit, accusarunt perperam, nemo inquisivit de injuria, miserè

trucidarunt, morti nullus obstitit, tremit in certaminis sui aditu, contristatur, tædio afficitur usque ad mortem, induciasque à Patre postulat, nec exauditur, traditur adversariis, datutque in prædam cruciatis tam sevis ut de iis silere nequeat: Neque vero æquius actum est cum ipsius Discipulis & sectatoribus; quisquis de eo eiusque doctrina verbulum profert è Synagoga excluditur, immo eiicitur ex hominum cœtu, pro insano habitus, pro impio & sacrilego; nullus est Iudex, nec vates, nec Magistratus, neque Gouvernator Provinciæ, nullum est judiciale forum, neque tribunal quin eos arguat, accuset, persecutatur; id enim & ad exquisita supplicia, ad mortem horribilem & execrandam, fures, homicidæ, parricidæ, rei læse majestatis, & sacrilegi ac sceleratissimi quique puniuntur militius quam Christiani; ferrum, gladius, rotæ cultorum acie, mucronibus & novaculis armatae, forcipes igne ardentes, sulphur, pix, liquatum plumbum, flamma fornacesque censentur tormenta esse leviora ad plectendum hoc scelus. Atramen Virtus in infirmitate perficitur, tantæ fortitudinis & portæstatis est, ut quæcunque se contra opponunt, contradicunt, & vexant, perrumpat cum victoria, suumque Regnum supra strages cædesque constituant. Quod plures Christiani maculantur, eò multiplicantur magis: sanguis Martyrum sanguis est Christianorum. Objectum fortitudinis, est ingens, arduum ac difficile aliquod facinus atque nihil magis magnificentum est quam ad sua consilia convertere, quidquid inimici nostri ad nostrum exicum apparaverant. Ita à Christiani, si Deus velit ostentare vim suam ad generosum cor firmandum, id efficiens sub specie summæ infirmitatis. S. Athanasium exponet generali totius orbis defensioni tumultuque; eum in certamine solum relinquet, ut sæcula omnia mirentur constantiam, vimque animi tam sancti militis,

Eccl

qui

qui solus in gradu firmus restitit Imperatori-  
bus Arrianis, tot Regibus Ducibusque, tot  
urbibus, Provincijs, nationibusque integris.

At quomodo abdidit admirabiles Benefi-  
centiae suæ effectus, quis non obstupescet vi-  
dens quot peccata, & mala in hocce mundo  
accedere permitit; quot in graves culpas ele-  
ctos suos prolabi? Cur nam (inquiet allquis)  
tot ærumnas & afflictiones in homines  
effudit: pestes, famem, bella, diluvia, terræ-  
motus, generalesque reliquas calamitates,  
quæ probos malosque promiscue involvunt.  
electos sicut & reprobos? Quis non stupebit  
audire Simonem Stylitam, sanctitate quam  
sede sublimiore, id est fulminis obteri, viros  
sanctimoniam illustres à mari & quæ absorberi in  
naufragiis hiatu horribili, ac sceleratissimos?  
Ita beneficentie suæ effectus occultavit Deus,  
magna pars mortalium pro acerbitate ac  
pena accepit, quod ille pro benefacto ipsis  
offert, adeo verum est quod ait S. Augustinus  
in Enchirid. cap. 27. Melius judicavit Deus  
de malis bene facere, quam nulla mala esse  
permittre: ac nemo existimare debet voluisse  
Deum acerbè agere in eos, quibus non per-  
misit quicquam accidere quod in majus bo-  
num ipsorum non cederet.

Verum quam pauci intellexere Iustitiam  
& æquitatem quam in gubernatione obser-  
nat, videndo quantum inæqualis est in distri-  
butione bonorum, honoris, sanitatis & inge-  
nij? Attamen quid justius quam ut quisquis  
suum dat, donet id prout vult? Largiri æqua-  
liter omnibus, si adoret id ex debito tribui, Si  
ea inæqualitas bonos aliquos fines spectat  
eius qui dat suum; si etiam fructuosa est iis qui  
accipiunt seu parum seu multum, quis non fa-  
tebitur nihil esse justius posse? Nolo hic ser-  
monē producere illud demonstrando in di-  
stributione bonorum Salvatoris cum id nimis  
manifestum existat.

Caput hoc tantum finio dicendo illum pa-

titer dissimulasse Sapientiam suam suscipien-  
do consil aquæ adversabantur penitus in spe-  
ciem ijs quæ sibi propoterat. Atque id Re-  
gis est sapientis, adhibere media ad subsequen-  
dum quod constituit, quæ videantur in con-  
trarium ferri, ne ij quorum interest lese illis  
opponant; atque hæc agendi ratio Salomone  
digna est, ut infantem veræ matris salvum tue-  
tur, simulate se, velle ipsi necem inferre; sic  
Dei Filius reperit honorem in contempno, pa-  
cem in bello, delectationem in tolerantia, di-  
vitias in paupertate, vitam in morte, resurre-  
ctionem in sepulcro, concentum faciens  
rebus discordantibus, & contraria uniens;  
Idem præstit in Apostolis, quorum unusita  
loquitur. 1. Cor. 6. A dextris, & à sinistris, per  
gloriam, & ignobilitatem, per infamiam, & bonam  
famam, ut seductores, & veraces, sicut qui ignoti,  
cogniti, quasi morientes, & ecce vivimus, ut castigati,  
& non mortificati, quasi tristes, semper autem  
gaudentes, sicut egentes, multis autem locupletantur,  
tanquam nihil habentes, & omnia possiden-  
t: Quibus verbis clare ostenditur quod diximus.

III. Propositio, universum Regnum Filii  
Dei, eius Imperium, dominatumque in sole  
amore consistere, sive spe eteatur in pace, seu  
consideretur gerens bellum & in confitu-  
tione. Nimum facilis est locus Evangelii, & Zacha-  
riæ Prophetæ, ut in eo diutius hæream: unde  
& ad lætitiam, & ad confidentiam excitatur  
populus ad eius adventum: Exulta satis filia  
Sion, & alter Evangelista, ex eodem sensu. No-  
li timere filia Sion. Ratio communis est in ver-  
bis sequentibus: Ecce Rex tuus venit tibi mansue-  
tu, unde populi acclamatio, Hozanna, quod  
salutem significat, quam ab eo sibi populus  
depositit, cum ab eo liberationem flagitat  
Quid enim à Filio David cuius tantoper-  
mansuetudo commendatur, secundum il-  
lud, Memento Domine David & omnis mansue-  
tudinis ejus, expectare aliud Populus debuit  
nisi salutem, & liberationem? Cum enim  
plenus

plendit mansuetudine, qui *venit mansuetus*, pronus est ad insericordiam, atque ad beneficium.

Idem in loco Psalmi significatur, sed venustus, quia occulus. Quis enim non diceret Sceptrum ferreum esse imperii durissimi omnium, acerbissimum signum, quandoquidem S. Scriptura, nunquam nobis purum, crudelitatem, intolerandumque pondas rerum omnium denotat melius quam ferro. Sic Deuteronomio. 3. Molesta servitus vocatur jugum ferreum, Deut. 4. Aegypti captivitas, forna ferrea. Psal. 14. Severus carcer, manuferreæ. Virga nihilominus ferrea, cum propter pro Filio Dei, nobis significat regnum ipsius esse Imperium amoris, absque via, absque coactione, absque violentia; adeo verum est id quod ostendimus in 2. propositione, eum abdississe egregium gubernationis suæ ordinem speciebus plane contrariis. Veretus Deus absconditus; exclamat Isaías cap. 45.

At sicut prima fronte sceptrum ferreum representat gubernationem acerbam, severumque Imperium; sic et si quod exterius est, & quod apparet, attendamus, nullum unquam regimen gravius acerbiusque in mundo fuisse, gubernatione Filii Dei. Nam, Auditores, quid dicturi esletis de eo Rege qui adigeret subditos suos ad deterendas opes, fortunas, & bonorum commoditates quin & facultatem iis almeret cuiusquam rei, unquam possidentis? Qui postquam spoliavisset, aut facco induisset ac cilicio, paucissimo vietu aleret, oneraret tribus, nec esse quietos unquam sineret: Qui amoveret illos a loco nativitatis suæ, a parentibus, amicis, notisque omnibus, cogere eos nuntium remittere honoris suo, & ut ipsos omnibus vitae obiectamentis privaret, ad aeternam damnarer servitutem, ad vitam in perpetuo luctu degendam, ad vivendum aspidem in lachrymis & mero: Quid porrò de illo qui servorum suorum optimos quoque ita nihili faceret, ut eos objiceret hostibus suis,

millies adhiberet ad equulei tormentum, alios ense concideret, sive pleceret alios, alios igne, inauditis alios cruciatibus; ediceret ne lacrymulam vel unicum, immone unum quidem suspitum emitteret: Insuper cogeret gratia ipsi habere quod tam barbare crudeliterque in eos ageret, hilarem vultum preferre in tattis acerbitatibus, in tormentis canere, carnificinae suæ instrumenta deosculari ac fovere? Nonne diceremus crudele hoc Imperium esse, sanguinolentum regnum, atque ut nihil dissimilem, sceptrum verè ferreum? Veruntamen, Christiani, quicquid mox dixi Iesu Christi est regnum, ea est ejus gubernatio, ipsius Imperij haec ratio est. Attendite quo pacto se gerit in suos: Exuit eos bonus Iesus, auferit quem habebant, & voto paupertatis reddit ad quidquam possidendum neque hereditate, neque acquisitione, neque alterius etiam libertate. Inheredit usum voluptatum, earumque etiam quæaliunde non prohibita sunt: quin & iis admitt illarum spem & facultatem voto castiratis: Erigit libertatem, suique arbitrij usum, optionem actionis suæ, suæque vitae dum, voto obedientiaz: eodem, procul eos removet à suis, à patria, ab ædibus propriis, ac saepe illos inde in perpetuum exiles facit, damnatque alios ad assiduum in solitudine carcerem, ad aeternas alios lachrymas, ipsos cum penitentia copulando, ut deis dicatur, Et habent pro conjugi luctum, alios denique ad labores nullo modo & exitu nisi morte finituros. At quo pacto agit cum Martyribus. optimisque servorum & amicorum fidelissimis? Horrendum est id vel tantum cogitare: Nihil parcus leniusque se in eos gerit quam in hostias, victimasque, seu in arietes destinatos lanienæ. Propter te mortificamur tota die, & astimati sumus sicut oves occisionis. Eos efficit mundi purgamentum, faciem vulgi, ludibrium & execrationem nationum, crudelitatis escam, anfam petulantiaz, objectum carnificinæ, injuriam.

uitæ materiam: eos obligat ad dandum sanguine in suu. u. vitamq; in mille tormentorum usu, neque vult eos lamentari, totque rerum jacturam deflere, sed arbitrari se felices, amplexari patibula, admoveare se ad cruces exosculati vincula, gratiam habere terroribus, & orare pro tyrannis à quibus necantur: Nonne oportuit sceptrum esse ferreum quo obligarentur, subiicerenturque tanæ incommodorum dititari? Oportebat sanè amorem aut illud sceptrum esse aut manum quæ id gestaret. O quam recte illud noverat Sapiens cùm dixit in Canticis, *Fortis est ut mors dilectio, dura fucis infernus emulatio: lampades eius lampades ignis atque flamarum: aquæ multæ non potuerunt extinguere charitatem, nec flumina obruent illâ.* At Attilius videte severitatem; & quam immisericors est. Quo homines ad inopiam redegit propter amorem Salvatoris verbum unum Evangelii, *Vade, vende omnia que habes & da pauperibus?* Multa millia fortunis omnibus raudavit. Serapion spectatæ vir conditionis, ab eodem illo exutus & ad nuditatem adductus, nihil præter Evangelistatum codicem sibi reservaverat, quem sub axilla ferebat, ibatq; per urbem vicatum clamitans, ille nœ spoliavit, Quot mortales! ipsos armavit, immisericordes in corpus suum eos reddendo, brevi monito Evangelii, *Regnum celorum vim patitur & violenti raptunt illud?* Nihil in speciem clementius est amore: raplend est, at dicere ausim, re ipsa & verè nihil est acerbius, Eius enim vero instrutu attendite. Veste ornatosq; ipsius sunt instar armamentarii, arcus, sagittæ, pharitra, faxque; at ubi jacula ei desunt, seipsum immitit ad inferendum vulnus, itaumq; extiosiorem infligit, n: q; unquam aberrat. Proh Deus! quod acerbitates in amore! quanta severitas in sceptro Filii Dei! præceptum Confessionis, condonandi iniurias, benè merendi de inimicis mandi ieunium, orationem aulteriore inque vietum: Afflictandi carnem suam, ommandi appeditiones, coercendi cupidita-

tem, adversandi sibi met assiduè. Hæ sunt ad quæ nos amor adigit, præstat in pace.

Quid autem in bello & in certaminibus agere ipsum putatis? Accingere glaudio tuo super femur tuum potentissime. Prodi mi Rex prorsus gloriose, bellicose & fortissime, prodi in campum. At ne idcirco putatote, Christiani, cum desinere Regem amoris nominari, Proprium amoris esse bellicolum: semper est armatus: & quidem audite quæ addit Psalmista in divino suo Epithalamio: apponit gladium ad latus: non igitur ad usum sed ad ornatum: at vultis arma ei accommodata, & propria? Specie tua & pulchritudine tua, intende, properè procede & regna. Et in se ius, Sagittæ acutæ, populi sub te cadent, in corda inimicorum Regis, Quamquam nulla ipsi meliora suntarma, quam sceptrum. Reges eos in virgaferea, & tanquam vas figuli confringes eos. Nonne vobis strenuus Imperator videtur, qui hostium aciem perrumpit, turbat ordines, vi inaniulos infringit, concidit omnia, universalabefactat, tanto successu & ea facilitate, ut si vala fictilia confringeret virgula ferrea. Vobis tamen assum afferre illū in tantæ severitatibus nū, exercere extimium amorem; atque ut acerbe agit adversus hostessuos, ita eò magis efferte misericordiæ sua opera: Non modo quia secundum S Hieronymi, multorumq; aliorum authorum interpretacionem Deus agit in sacrificiis qui sumens a gillam, glutinosamque ieram, unde vala singat, si quod vitia in aliquo animadverti, illud effingit, destruunt, quan- diu materies adhuc mollis est, neque ignea perlentis, subigitque iterum priora vita cotrigens; si Deus expedit el. & os huius vice epope, atque afflictationibus, & experimentis vitia quæ ipsis insunt emendat: Sed in primis quoniam Deus nunquam le magis misericordem, clementemque ostendit, quam ubi crudelem in hostes suos cædem exercet. Quia vero id primo aditu continet paradoxum, doctri-

doctrinamque inauditam, eius fontem vobis apertiam necesse est. Valde usitata est in Scriptura loquendi formula, explicare justificationem peccatoris, mundi conversionem, extinctionem Idololatriæ, vocabulis quæ significent bellum certamen, victoriam, cædem, internacionem, vastationem & eversionem imperij, quoniam peccatum erexit regnum adversus Filij Dei regnum. Cum autem generali defectione nationes universas istud comoverit in legitimum Principem, hic dominatum recuperare non potest nisi armorum vi, cruentóq; prælio, quod omnia igne ac sanguine compleat; nulli rei parcendo, quoad peccatum deleverit & infidelitatem. Atq; ut nihil peccatum destruit præterquam justitia & sanctitas, ratioque unica evertendæ impie tatis sit in eius locum substituere religionem, ac virtutem, consequens est, ut constitui stabilitiq; religio & sanctimonia non possit, nisi hostibili cæde ac internecione; abundantem sanguinem fundendo. Verum audiamus loquentem S. Scripturam. Psal. 97. In spiritu vehementi conteres naves Tharsis: S. Augustinus per eas naves intelligit, omnes terræ nationes, quæ superbiæ flatu tumidæ, vela adversus Ecclesiam expandunt: Quartum superbiam Christus evertit, quando eas ad fidem traduxit. Psal. 67. per allusionem ad Davidis bella, Christi victoriae narrantur in mundi conversione: Vbi versu 22. dicitur: Deus confringet capita inimicorum suorum, &c. ut intingatur pes tuus in sanguine: ubi Genebrardus ait in sacra Scriptura hostiū clades non tam significare abolitionē, quam conversionē: idq; dō Rabbinis, ut à Kimhi & Aben-Ezra. Psalm. certi ait 96. Ignis ante ipsū precedet, & inflammabit in circuitu inimicos eius, quod Ambros. Luca 12. de Charitatis igne exponit: Psal. 103. Deficiant peccatores à terra, & iniqui ita ut non sint: Basil. ait. Non ut pereant erat, sed ut convertantur: Psal. 149. Et gladij ancipes in manibus eorum: ad jacundam vindictam in nationibus, increpationes in

populis ad alligandos Reges eorum in compedibus, & nobiles eorum in mani, is ferreis: ut faciant in eis iudicium conscriptum, gloria hec est omnibus Sanctis eius. Certum est Apostolos non alio bello aggressos esse gentes, quæ prædicatione & conversione: Hinc illud increpationes in populis, quod non est aliud quam eos, peccatores esse convincere, & salutari pœnitentiæ subjecere. Lege ibid. Augustini quā ratione Sancti pugnem gladio spiritus: Pagani (ait) occiduntur cum Christiani sunt: quia quæ o ego Paganum, & non invenio: Ergo mortuus est Paganus: nam si non occiduntur, unde dictum est Petro macta, & manduca: Isai. 34. Indignatio Domini, super omnes gentes, furor super universam multitatem eorum interfecit eos, & dedit eos in occisionem, &c. Quia dies ultionis Domini, annus retributio nrum judicij Sion, &c. Nocte & die non extingue tur, in sempiternum ascendet fumus eius. Nominis Idumeæ intelligit Monianus Romanum Imperium; Romam in urbe Bosra; incendium interpretatur ignem Evangelii: Sophon. 3. In igne zeli mei devorabitur omnis terra: quia tunc reddam populis labium eius, ut invocent omnes in nomine Domini, & serviant ei humero uno. Deinde Evangelij interpretatur S. Hieronymus. De eodem accipe quod dicitur in Apocal. de urbe Roma sub figura Babylonis, cuius incendium dicitur semper duraturum.

Ex iis omnibus apparet, iracundiam Dei adversus nationes, prælia, victorias Mæstriae, cædes, stragésq; ab illo insigni bellatore editas, non fuisse, nisi admirabilis eiulde clementia, benevoliæ, amoris effectus. Vivificando interimit, perdit salvando, vitâ largiendo trucidat: excessus iræ ipsius, bonitatis excessus est: acerbissima eius vindicta, est generalissima venia: unde concludi facile potest, illum in pace & bello esse Regem amoris.

Pro conclusione. Cum nemo sit qui non sub aliquo vivat imperio, & ad aliquem Regem non pertineat, hoc est, vel ad Christum,

vel ad Diabolum; cum regnum Diabolis sit tyrannicum, & consequenter crudele, durum furiosum; Sequitur Christi regnum esse legitimum, & consequenter regnum amoris. Ne quis autem huius nominis suavitate decipiatur; scire unusquisque debet amoris imperium non esse molle & delicatum, sed forte & imperiosum. Vide enim quod perducat amoris imperium; cui nihil unquam satis, immo ut ille loquitur, etiam de impossibilitate non capit solatium. Certè si amor sit in pœnitentia,

te, quid non efficit? quid non exigit? Quod si sit in homine innocentem, aut hominem perfecto, quas non exercet tyrannides? quod hominem non perducit? Hoc tamen in se experitur, quicunque amat; hoc omnis qui amat. Amabat ille, & facit quod vis. Sed si amas, id facies quod ille volet. Feliz qui novit, miser qui nescit. Hoc experientia nobis donet qui solus amorem dare potest: qui solus amorem nostrum meretur: qui solus amorem nostrum potest compensare, Iesus Christus. Amen.



## FERIA SECUNDA.

# HEBDOMADÆ SANCTÆ. CONCIO PRIMA.

De præparatione ad mortem.

*Sine illam ut in diem sepulturæ meæ servet illud. Ioan. 12.*

**I**N domo Simonis Leprosi in Bethania mirabile instituitur Christo convivium, quod & vita & mortis est. Certè in omni convivio utrumque reperitur: comedunt enim homines ut vivant; & ferè in hominibus causa mortis est alimentum: sed in hoc convivio illud est præcipuum quod sit convivium vitae: Nam quia Christus Lazarum suscitaverat in Bethania, cum Christus illuc venisset fecerunt ei cenan ibi ut ait texius: additur etiam Lazarus vero unius erat ex discubentibus cum eo: vere resurrectionis testis existens. Ut autem scias esse convivium mortis, Maria accepit libram unguenti nardi pistici preciosi, quo unxit & pedes & caput Christi est interpretatus, un-

ctionem mortis: unde subdit, *ut in diem sepulturæ meæ servet illud*: quasi diceret, hæc undictio facta est in officium sepulturæ meæ unxit enim mens sicut solet ungere corpus mortuum Christus itaque non ad delicias hoc officium accepit, sed ut sepulturæ officium, plusque fecit Magdalena quam puta vitam: nam & viventi, & mortuo officium reddidit; ac sicut aliquando praevenienda erit à Christo, qui ei apparebit vivus, cum mortuum requiret; ita nunc Christi mortem prævenit, & vivum, ungit ut mortuum, unde dicitur, *Marci 14. Praevenit ungere corpus meum in sepulturam*. Vide itaque diversa duarū sororum officia. Martha ministrabat; Lazarus discumbebat; Maria ungebatur.

Primum